



# Arubaanse Courant

ANJA 25

DIABIerna 7 FEBRUARI 1964

No. 4958

## GOBIERNO TA STUDIA VERLOF DI MILITARNAN ARUBANO OBJECCION CONTRA DI SERVICIO NA ARUBA

Na e momento gobierno di Antillas ta pensando pa duna e mucha hombernan cu ta pasando nan tempo den servicio militar obligatorio oportunidad pa pasa nan vacacion "verlof" na nan propio isla. Pa e hobenan di Aruba cu ta sirbiendo marina hulandes na Suffisant, esaki lo tabata un paso agradabel.

Como contesta na Staten tocante di e objeto aki gobierno a bisa lo siguiente:

Gobierno ta comprende por completo cu e echo cu militarnan den servicio obligatorio di cual nan -major of sea nan voogd ta biba for di Corsow di tal manera ta den un situacion dificil pa bishita famia al contrario di nan coleganan cu ta biba na Corsow.

Den esaki a bin mehoracion di tal forma cu e comandante i fuerza maritima hulandes a pone un reglamento di verlof y permiso cu e militarnan obligatorio for di e un anja cu nan ta den servicio ta hanja un verlof di diez cuater dia y

dos biaha un tal "long weekend". Gobierno na e momento aki ta tratando di hanja un manera of mior bisa un reglamento pa transportacion di e militarnan aki, pa asina crea e posibilidad cu nan por pasa nan verlof na e isla di unda nan ta bini.

E pasamento den servicio militar na un lugar den Antillas como e centrale, esta na e marinierskazerne "Suffisant" na Corsow ta worde motiva door di marina hulandes como lo siguiente: Pa duna un grupo asina chikito di tal militarnan un formamento militar elementario tan eficiente posibel, na unda sigur e uniformidad ta un di e promer exigencianan. Concentracion di tal servicio y di tal kader ta necesario. Tambe e echo aki ta ofrecu e ventaha cu pa desaroyo di "United Doctrine". E promer formamento militar aki ta para bao di supervisio directo di e comandante di marina hulandes na Antillas hunto cu su staf. Fuera di e desventaha di decentralisacion di e servicio (Corsow), na e momento no ta posibel na Aruba pa motibonan practico. E kazerne di marinierman na Savaneta no tin bastante facilidad pa hospitalidad pa mas marinierman, ni hasta pa e poco militarnan di Aruba den servicio obligatorio.

### Trinta mil florin pa riolnan

Oranjestad, 6 Febr. Den e di tres cambio proponi ariba e presupuesto di teritorio insular pa 1963, tin algun creditnan calcula pa postnan, pa cual ariba e presupuesto mayor placa no a worde pidi. Aki ta trata di Fl. 30.000,- pa mantencion extra di riolnan, special pa Standard Ville, Fl. 17.500 pa eliminacion di fiesta Fl. 8.250,- pa trabao an na Beatrixschool y Fl. 3.000,- pa atrapa cachonan cu ta cana los. Di e ultimo suma aki e "dog catcher" ta hanja un premio di Fl. 1,50 pa cada cacho cu e atrapa. En cuestion cu e Fl. 17.500 cu B.C. a propone na Raad di Aruba ta pa luznan, kabelnan etc., cu tin di worde cumpra pa eliminacion di Wilhelmina-Park, Lagoen, Rotonde, L.G. Smith Monument, Toren Willem III, Biblioteca y Iglesia Protestant, ora di dianan di fiesta

Extencion di e facilidadnan aki lo mester trece cierto construccionsnan cu tur e consecuencianan financiero cu esey. Y alavez e kader na Aruba lo mester di extencion na bienestar di e servicio di e militarnan di Aruba. E cantidad di miembronan di kader cu na e momento ta na Antillas no ta permiti extencion y por lo pronto no ta parse cu Hulanda lo manda miembronan di kader pa Antillas como cu Savaneta kamp ta leuw for di e terenonan di ehercicio y e trabanonan cu e tin di haci ariba e isla ta varia masha hopi, tambe ta forma cierto objecionnan contra di e establecimiento di militarnan obligatorio di Aruba pa nan curso aki.

Asina cu pa loke ta trata di e posibilidad cu en futuro militarnan obligatorio di Aruba lo bin pasa nan ultimo lunanan di servicio na Aruba, e objecion ultimo menciona tambe ta conta.

Asina cu si na dado tempo tin basta lugar di keda na Savaneta kamp, y ora cu tin mas experiencia cu e sinjamento di e militarnan antillano en general, e punto di bista aki endudablemente lo worde studia mas mior.

### "Rita" a perde Boto

Oranjestad, 6 Febr. Diamars y Diarazon e remolcador "Arikok" hunto cu aeroplanonan di M.L.D a rondia henter dia den MAR CARIBE na e boto di 16 pia "Rita", cual desde Dialuna ta considera perdi na Aruba. E boto ta N.A. 454 cu "outboardmotor". El a sali Dialuna mainta cu senjornan Jose Stamper y Pablo Quant di Brasil pa bai piscu y no a bolbe e anochi, segun nan a spera. Autoridadnan di haafnan Venezolano a worde informa tocante di e boto.

### Emisora di Surnam ta perde permit

PARAMARIBO, 7 Febr. Hefe di prensa di minister present a anuncia cu minister di Obras Publicas a hanjele obliga pa hala for awe aden e permit otorga por decision ministerial di 16 di april 1956 na avros pa eheccion di empresa di emisora di radio, y tambe e permit obtene ne resolucion di 24 di december 1958 pa uso pa instalacion radio electrico di emisora duna pa e pais, cual no ta destina pa pasa telegram y pa hasi conversacionnan. Minister Thijm a ordena director dje servicio di telegraaf y telefoon dje pais pa tuma e medidanan aki cual ta necesario pa eheccion dje decision aki. Ta ser bisa cu e empresa e asociacion general di emisora di radio na Surnam na a paga e debe cu e tin pa uso dje instalacion radio electrico di emisora cu e pais a pone na su dis-



Diarazon Xavier Cugat y Abbe Lane a duna nan ultimo show di dos siman den Klompen Klub di Aruba - Caribbean Hotel. Na un magnifico forma Abbe Lane a presenta su cancionan atrobe. Den su interpretacionan di baile na un cierto momento orkesta di Jorge Falsola a toca un merengue caliente pa cual Abbe Lane a pidi un partner den publico. Un di e "feliznan" di e anochi aki tabata diputado J. Tromp, kende den gran forma a muestra Abbe Lane y e publico cu fuera di asuntonan di gobierno un merengue tambe ta algo cu e por maneha den bon forma. Resultado di esaki tabata cu ora senyor Jack Kozloff di Hotel a pidi diputado Tromp pa subi

podium y entrega e certificadonan di "Goodwill Ambassador" na Abbe Lane y Xavier Cugat, Abbe Lane a keda sorprendi cu un momento anterior e tabata baliando un merengue caliente cu e deputado.

Aki nos ta mira diputado Tromp dirigiendo palabra na Abbe Lane y Xavier Cugat (na drechi), - mientras den centro sr. Jack Kozloff ta scuchando. E dos artistanan aki di fama mundial cu ya diferente biaha a bishita Aruba, a worde nombra "Goodwill Ambassadors di Aruba". Den su palabranan dirigi na e dos artistanan, senyor Tromp a duna su deseo, pa cu pronto Aruba por mira nan atrobe na e isla cu nan ta gusta asina tanto.

posicion prome cu 15 di januari 1964.

Tambe e emisora ki a actua contra articulo ocho uni ne condicionnan ne permit ministerial.

### SUELDO MINIMO NA BRAZIL

RIO DE JANEIRO, 7 Febr. - Presidente Goulart di Brasil a priminti e lidernan di sindicato

na Brasil, cu den curso di e siman aki of mas tarda otro siman e lo

firma un decision na cual sueldonan minimo ta worde stipula. E revisa lo worde acompaña

pa otro medidanan, cu ta evita cu e salario ta worde guli den

termino cortico pa speculacion e inflacion.



SABOR CU NUNCA TA  
VARIA  
IT NEVER VARIES.

**GOBIERNO TA BISA:**

**BISHITA DI HABITANTENAN NA CASINO NO TA MAL VICIO**

WILLEMSTAD, 7 Feb. - "No ta conoci na hefe di polis na Aruba cu habitantenan di e isla aki a hanjanan mes den situacion financiero dificil pa motibo di bishitanan na e casino, "asin gobiernu ta contesta ariba-preguntanan di remarcanan cu a worde haci den Staten en cuestion cu cierto situacion den casinonan na Antillas. Na gobiernu no ta conoci, cu regularmente habitantenan di Antillas ta hunga sumanan grandi den casinonan na Corsow y Aruba, tampoco ta conoci cerca gobiernu cu bishitantenan na Corsow or tuma parti i e weganan ariba credito, door di cual diferente di e bishitantenan ey a hinca nan mes den debe y tin baha hasa a worde declara falliet. Pero si a jega di sosede na Aruba cu bishitantenan a hanja credito. Pero esaki ta sosede masha poco y najoria parti ta personanan cuta di esaki como cu nan no kier ramna cu placa, en cuestion cu esaki por worde bisa cu e directiva di e casino ta traha cu masha cuidao den e casonan aki unicamente ta duna placa na e personanan di cual nan ta kere cu esaki por worde duna. Si un persona ta bishita e casino nan hopi, e hefe di polis local promer ta manda un carta di aviso. Si e carta aki a duna resultado ora e habitante ta worde prohibi pa drenta e casino. Den e permisionan pa explotacion di casino a poni e condicion cu personanan por worde admitti pa tuma parti a e weganan di placa, unicamente e si nan tin un carchi di turista nanera cu ta scitri den articulo mo di Landsverordening di weganan di placa anja 1948. Gobiernu ta di opinion cu no por worde apia di un mal bisio en relacion u bishitanan na casino y cu e situacion actual di e asunto por worde jama satisfactorio. Den articulo dos di Landsverordening i weganan di placa anja 1948 ta

para cu entrada na e localidadnan di weganan di placa, unicamente ta worde permiti na personanan cu ta posee un pass door di hefe door di hefe di polis local. Cu gusto Staten lo kier a hanja sabi cuanto habitante di Antillas a hanja talpass den e periodo di un di januari 1962 te 16 di augustus 1963. Si den e periodo aki tabatin casonan den cual personan a drenta sin e passnan menciona, anto cu gusto Staten lo kier a hanja sabi pa cual motibo of motibonan e reglamentonan aki no a worde manteni y si esaki no por worde considera como negligencia di e reglamentonan segun ley. En cuestion cu esaki a worde bisa cu pa habitantenan en general di Antillas ta un secreto cu tin habitantenan di Antillas ta hunga sumanan grandi di placa den casinonan di Corsow y Aruba hasta cu tin habitantenan cu hasta ta hunga ariba credito den e casinonan. Ta conoci tambe en general cu diferente di e personanan ya menciona a linka nan mes den debenan grandi y den cierto casonan hasta a worde declarada falliet. E miembronan di Staten na palabra ta di opinion cu habitantenan di e islanan ta haci mucho uso di e casinonan, locual ta contra di e reglamentonan para den e permisionan duna. Cu gusto nan tabata kier sabi si den e permisionan e condicion no ta para cu ta prohibi pa habitantenan drenta den e casinonan y si nota asina pa cual motibo. Cu gusto e miembronan na palabra tabata kier sabi si den e permisionan kier pone e ya mencionado na atencion di gobiernu cu e peticion di un participacion con gobiernu ta pensa di actua contra di e mal bisio aki, pa asina proteha di propio interesnan di esnan envolvi y di interes di nan famianan. MIHOR CONTROL. Como contesta ariba e preguntanan gobiernu a contesta; cu den e periodo di promer di januari - 1962 te cu 16 di Agosto 1963 7.421 permiso di entrada a worde duna na habitantenan di Antillas door di e hefe di polis local. Na Aruba 11.290 a worde duna na e mes un tempo, mientras cu na Sint Maarten (Little Bay Hotel) for di diez siete di februari 1962 tempo cu e casino a habri te cu trintay uno di Agosto anja pasa un total di 7.749. Un investigacion a muestra cu den practica no ta posibel pa duna cada bishitante un pass. Gobiernu tin intencion di aserca Staten cu un proposicion di cambio pa articulo uno di Landsverordening di weganan di placa anja 1948, pa asina jega na un sistema di controlamento, cual den practica a muestra, cu e lo traha adecuado y sin molester of estorbo pa bishitanti di turistanan na casinonan.

**PROPOSICION DI MERCA NA GINEBRA**

GINEBRA, 7 Febr. - Merca a propone e conferencia di desarme na Ginebra pa tene un serie di deliberacionnan particular cu Union Sovietica pa yega na un acuerdo tocante prevencion di expansion di armanan nuclear. E delegado mericano, Foster, ta propone pa investiga con leu un acuerdo tocante uso di material nuclear pa finnan pacifico ta lugar di militar y un control ariba esey, ta posibel. Foster a participa cu president Johnson ya a anuncia clausura di cuater reactor di plutonium y menguacion di produccion U-235. Foster a bisa cu Merca ta dispuesto pa admitti un control internacional riba un die reactornan di plutonium, es un luna un ehemplo di crea precedente.

**MAS WELGA NA ITALIA**

ROMA, 7 Febr. - E welga di 24 ora di e ambtenaarnan italiano cu a worde tene ayera, awe a expande su mes den otro ramonan di profesion y empresa. E personal tecnico y artistico di radio y television a cuminsa un welga di 48 ora pa apoya e exigencianan di salario. E obreronan di industrianan quimico y farmacuetico tambe a stop di traha pa dos dia. Ta trata aki di mas o menos 200.000 persona. E centronan cientifico cu tin di ber cu energia nuclear ta welga mayan y e personal di transport terrestre - 30.000 homber en total, ta keda cas mayan pa tres dia.

**TA BUSCA PA HUUR UN CAS**  
Cu tres kamber den Oranjestad.  
Pa Inf: Jama tel. 5666/ 5046 contact Nandwani of Brenci Arends tel. 1057

**T A B E N D E**  
\* UN SALON LIJKAST pretu cu dos porta, 2,66 pla cubico - 25", haltu 31", hancho - 19", hundu, 110/120 volt.  
\* SCHEMERLAMP cu krantenbak  
\* FAN-TAFEL, pa informacion: Tur dia di 4,30 - 5,30 p.m. diasabra merdia y diadomingo henter dia na: EAGLE II.

**TELA Y MAS TELA**  
tur sorto di color especial pa fiesta di  
**CARNAVAL**  
  
na prijsnan for di 10 placa pa riba.  
Tambe pa **CARNAVAL** bo adres ta **La Linda**

**NOBO NOBO NOBO**  
NASSAUSTRAT No. 34  
Grandioso baratillo di inventario di tur tela na prijsnan masha barata. Asina ta, haci liher y bin probeca di e ganga aki!!  
Tambe nos a ricibi tela nobo pa fiesta di Pasco grandi.

**FATUM** Tel. 1845  
pa tur bo aseguronan

**ARMANAN NUCLEAR PA AVIONAN DI CANADA**

OTTAWA, 7 Febr. - E minister canades di defensa a participa cu e cuater escadrillanan canades di avionnan cu reaccion a chorro, cu ta staciona na Alemania Occidental, y tambe dos otro cu na debito tempo lo wordu hiba Alemania Occidental for di Francia, lo worde equipu cu tantu armanan convencional como armanan nuclear. Canada y Merca a firma un acuerdo pa entrega di armanan nuclear chiqui, na cuminsamentu di verano pa e avionnan ey. Dos escadrilla cu ainda ta na Francia lo wordu equipu cu armanan convencional.

**ESTABLECI**  
**H. S. W. VERPLOEG**  
Dentista  
**PA CONTINUA TRABOU DI**  
**DENTISTA C. F. M. SOONS**  
Oranan di Consulta  
**SAN NICOLAS** 9 - 12 a.n.  
Tel. 5 3 6 7  
**ORANJESTAD** 3.30 - 7 or p.m.  
tel. 1 5 4 2

**LONG JOHN WHISKY**  
This wonderful whisky is again available here. After patient ageing and consummate blending of many of Scotland's finest malt whiskies, Long John brings delightful and regal flavour for your enjoyment.

**GRAN VARIEDAD DI MASCARADA**  
pa e bailenan di desfray.....tambe papercups, tayo, cerbette di papel pa bo fliestanan. Y.....ultimo hitnan musical den nos centro di DISCO!  
**ACME STORE**  
TEL: 5381 - 5384  
SAN NIC.



**T E H U U R**  
Gemeubileerd Huis, met drie slaapkamers waarvan 2 met airconditioners gelegen te Cunucu Abao No. 20-A  
Voor inlichtingen: G.T. Arends Tel. 1177 (na kantooruren 1630)

**T A B E N D E**  
Cashi pa boeki pa pone na muraya cu laachi tambe. Tape-recorder Mixer di man, auto „FIAT,, 1100 y varios articulos mas pa uso di cas.  
Pa inf: D.J.Rebel. Boerhavestraat 68.

**PALAIS ORIENTAL**  
Na Oranjestad Pabao-SU BARATILLO FENOMENAL TA DURA DOS DIA AINDA AWE Y MAJANI SLACKS - SWEATER na prijsnan for di f. 2,95 pa riba.  
**BON PA USA DEN CARNAVAL!!!**



Servicio rapido y prijs razonable!  
Pa furamento di sientu di bo auto, tambe dak y portanan.  
**RUIZ UPHOLSTERY**  
koningstr, 4 - tel. 2257



**Caribe ta participa den carnaval cu grupo indian**  
Oranjestad, 6 Febr. Caribe Club lo participa na e parada di carnaval di Diadomingo vendidero cu un grupo grandi di Indian. Cu e organizacion di e participacion aki ta encarga e miembronan di Caribe, C. Heemskerk, Niki Ecur, Chorombo Harms, Paradera Steeband lo percursa pa e musica pa e indlanan.  
**RUGPIJN en RHEUMATISCHE Pijn**  
Na hun 35e jaar voelen vele mannen en vrouwen zich soms onprettig door een gewone aandoening van de urinewegen. Onzuiverheden en bacteriën irriteren dan veelal de tere nierbuisjes. Dan kunt U zich echt moe, oud en nerveus voelen en dan treden er reumatische pijnen op, zoals rugpijn, pijn in de gewrichten, lachias of neuritis. Om hiervan af te komen, vinden duizenden gelukkige mensen baat bij het snelwerkende, pijnverdrivende, anti-reumatische CYSTEX. Na het gebruik van CYSTEX gaan de nieren weer goed functioneren, de pijn verdwijnt en U slaapt weer heerlijk. U voelt zich jeugdiger en sterker. Haat vandaag nog CYSTEX bij Uw botica en voel hoe goed het U doet!

## TELEGRAM PA CASA REAL

DEN HAAG, 7 Febr. - Diputadonan di e comunidad ulandes orthodox protestant, kende ta bisa di ta representa sesenta comunidad ulandes, a manda telegramnan pa Reina Juliana, Prins Bernhard y Prinses Irene.

E telegram ta notifica la Reina y Prins Bernhard y e profunda tristezan y asombra di e comunidadnan en coneccion cu e cambio di religion di prinses Irene pa catolicismo. E comunidadnan ta opina cu La Reina y Prins, segun noticianan publica ta respecta e paso ey.

Pa Prinses Irene a bai un telegram den cual ta worde bisa cu door di su cambio pa Iglesia catolico "e doctrina reformatorio di su ilustre antepasadonan a worde bandona".



## TYPONOBODI LASER

MOSCU, 7 Febr. - Cientificonan nobo a desarrolla un tipo nobo di laser cu ta hasi posibel pa ehecua investigacionnan di radar milles biaha mas exacto. Asina e agencia ruso di prensa TASS a anuncia. E Laser, cu ta abreviacion di "light amplification by stimulated emission foradiation", ta un instrumento cu ta produci un rayo di luz fuertemente concentra riba un cierto onda.

Esaki a worde ehecua pa di promer na anja 1950 pa cientificonan mericano y ruso y ta ser usa actualmente den radio astronomia. E rayo di laser ta ser usa tambe pa straal cu exactitud buracunan den materialnan o di disolve metalnan o pa boor.

E rayo nobo aki, caminda ta ser hasi uso di un corriente di electronan liher, ta mas eficiente cu e methodo bieuw caminda nan ta haci uso di un rayo di luz, segun TASS.

*Reina di Jamanota - Club na Santa Cruz, srta. Frida Geerman e anja aki a worde corona pa e presidente di C.C.J.A., y presidente di Centro Juvenil Tanki Leendert, senyor S. Luydens. Prins di e club ta Marcelo Kock.*

## CLUB BONAIREANO

TA INVITA TUR SU MIEMBRONAN Y SIMPATIZADORNAN PA ASISTI DEN GRAN NUMERO, AWE NOCHI DIABIERNE 7 DI FEBR. PA 8 'OR DEN

WILHEMINA STADIUM  
PA APOYA SU MAHESTAD

## ANNIE MARTINUS

DURANTE ELECCION PA

### Reina carnaval Aruba 1964



Su mahestad

ANNIE  
MARTINUS  
REINA  
CLUB  
BONAIREANO

DESPUES DI ELECCION DEN Wilhelminastadion, REINA DI CLUB BONAIREANO lo worde corona, durante un grandioso baile anima pa SENSACION MUSICAL Tambe entregamento di e auto na Su Mahestad

DIASABRA 8 y DIADOMINGO 9 di februari 1964 grandioso baile di desfraz cu e tremendo orkesta di FRED MULLER.

BINI UNO BINI TUR -  
BIN GOSA BO CARNAVAL NA CLUB  
BONAIREANO!



Diarazon atardi Reina di club Bonaireano, su mahestad Annie Martinus, a hiba su premio, e auto Austin Healy Sprite for di e agencia La Victoria, pa club Bonaireano.

Pa e ocasion aki un corte hasta grandi a compañe, nan tabata: e presidente di club sr. Moises Sint Jago, segundo secretario sr. Theo de Palm e tesoroero, sr Verio Paula, str. Elia de Palm, presidente di comision di damas di fiesta di carnaval, sr Delfincio Nicolaas, miembro di comision di fiesta, y dos runner up srnan Noris Nicolaas y Judith Paula. Ariba e potret; momento cu Annie Martinus ta start su auto pa hibebe club na unda diabierna anochi e lo ricibiele oficialmente durante un gran baile den club Bonaireano.

## E LUCHA RACIAL NA ALABAMA

TUSKEGEE, 7 febr. - Den e estado Sur di Merca, Alabama, e reina atrobe un ambiente yen di tenslon en relacion cu pretencionnan di mericanonan di color riba derechonan igual. Ambtearman municipal dje ciudad Notasulga a stroba inscripcion di seis mericano di color na un school secundaria aki, cu ta di solamente mericanonan blacu. Cu esaki nan a ninga di sigui cu orden di corte federal di justicia pa admiti mericanonan di color ne schoolnan aki. Na Tuskegee sin embargo nan a admiti seis mericano di color na un school cu tabata di solamente mericanonan blacu. Akinan no tabatin ningun incidente. Burgemeester James Re di Notasulga personalmente a stroba inscripcion dje alumnonan di color. El laga un bus di school den cual solamente e seis mericanonan di color tabata

y un chauffeur di color, stop, y a bisanan pa regresa. El a trese e verordening municipal nobo dilanti, segun cual e school teniendo relacion cu stipulacionnan di candela y seguridad no por tuma alumnonan nobo. E bus despues a regresa Tuskegee. Ambos school tabata na inscripcion di alumnonan di color vigila pa polis di estado. Coronel Al Lingo, e autoridad mas haltu na Alabama riba tereno di seguridad publica a bisa, cu situacion ta explosivo. Gobernador George Wallace a haci un peticion na poblacion pa pone oposicion contra integracion rasual y a alenta e blacunan, pa no laga nan yunan bai school caminda hendenan di color ta admiti.

## HUEZ DI POWERS A FALLECE

MOSCU, 7 febr. - General-Victor Borissogehski, cu tabata presidente dje colegio militar dje corte supremo ruso di justi-

cia den e procesonan contra Powers y e spion britanico Wynne ayera a muri na edad di 51 anja. Na 1960 e piloto mericano Powers mester a comparese, pa motivo di spionaje despues cu su avion di reconocimientu dje tipo E a worde intercepta riba Rusia. Tres anja despues e comerciante britanico Wynne tambe a wordu sentencia pa spionaje.

El a worde condena pa pena di prison mientras e ruso Penkowski cu a wordu condena pa complicidad a hanja pena di morto.

*Den Hotel Capital na Oranjestad a tuma lugar diarazon anochi coronacion di e reina di Juventud - Cristian. Despues cu Boy Escalona, un di e motornan encansa-*



*ble di e club aki a kita e corona for di reina di anja pasa, srta. Rosemarie Carote-*

*nuto el a corona str. Jolanda Maldonado - (portret) como reina di e anja aki.*



*Gordon Hill di Wood-  
brigde na Inglaterra  
tin un amigu excep-  
tional, un patrichi cu  
en general ta un par-  
ha masha timido.  
Gordon a hanja Ber-  
tie "manera el a ja-  
ma su amigu ora cu  
e tabata masha chiki-  
tu ainda den campo.*



*Diarazon anochi a tu-  
ma lugar na Club Pa-  
vadera e coronacion  
di reina di Union Ju-  
venil Pavadera. Aki  
e reina Marlyn Lacle  
ta worde corona pa  
miembro di Eilands-  
raad senjor F. Lacle.*



## DEPARTEMENT VAN ONDERWIJS

De Inspecteur van het Onderwijs brengt ter kennis, dat zij, die in het jaar 1964 examen wensen af te leggen ter verkrijging van het **PEDAGOGISCHE GETUIGSCHRIFT VOOR HET NIJVERHEIDSONDERWIJS**, zich daartoe **SCHRIFTELIJK** kunnen opgeven bij het Departement van Onderwijs, Curacao, **VOOR 1 MAART A.S.**

Bij aanmelding dienen overgelegd te worden een uittreksel uit het geboortenregister of een bewijs van inschrijving in het bevolkingsregister en het bewijs, dat het examengeld ad f. 20.-- ten kantore van de Landsontvanger is voldaan.

De Inspecteur van het Onderwijs,  
**P.T. SPROCKEL.**

## BEKENDMAKING

Wij maken hierbij bekend dat ons spaarbankboek No. 10326 door de houder Thomas A. R. Daniel a/or Annie Daniel als verloren is opgegeven. Twee maanden na heden zal een duplicaat worden verstrekt, waardoor het origineel waardeloos wordt verklaard.

Aruba Bank N.V.

DIASABRA AWOR, 8 DI FEBRUARI  
APERTURA

DI  
TITI DAVELAAR CORPORATION

SITUA DEN WINDSTR. 42 (DILANTI HOSPITAL)  
ORANJESTAD

AGENTE PA ARUBA **FIRESTONE**



*Tambe San Pedro  
Hospital a corona su  
reina diarazon ulti-  
mo den San Pedro -  
Hospital. E reina ta-*

*bata Annie Dijkhoff,  
mientras cu e prins  
ta bata Jolanda Kool-  
man.*

*E preocupacionnan di  
president De Gaulle  
por worde constata  
claramente riba e  
portret aki cu a wor-  
de saca durante un  
conferencia di pren-  
sa siman pasa.*


## CORTINA DI BAMBOE



*ta haci bo cas ma-  
bunita!  
Nan a caba  
di jega  
trobe.  
Fl. 18.--  
pa un,*

tamanjo 3 meter x 1.50 m.

**Mesker Aruba N.V.**



**WELGA NA MADRID**

MADRID, 7 Febr. - Estudiante-nan den ley na universidad di Madrid a cuminsa un welga di dos dia como protesta contra proposicionnan, cu ta contene tambe personanan cu no a studia na academia por worde nombra den altu puestonan gubernamental algu cu te awor aki no tabata posibel.

**COLABORADOR DI KENNEDY TA BAI**

WASHINGTON, 7 Febr. - Atròbe un dje colaboradornan di mas cercano di defunto president Kennedy a entrega president Johnson su retiro.

Timothy Reardon, colaborador importante di president Johnson y secretario dje gabinete dje presidente lo retira pa promer di maart proximo pa por acepta un puesto cerca un oficina di gobierno cu ta ocupa su mes cu instalacionnan di spaar.

Theodore Sorenson, cu ta scirbi e discursonan di President Kennedy y Arthur Schlesinger Junior, cu tabata mantene relacionnan cu mundu academico, y a pidi nan retiro caba.

*Siman pasa Merca a lansa e super-raket Saturnus na Cabo Kennedy. Aki nos ta mira e raket na momento di su lansa-mentu mientras cu e otro portret ta muestra president Johnson siguiendo e lansa-mentu riba su pantalla di television den Casa Blanca.*

**Irregularidadnan na Oost Pakistan**

KARATSJI, 16 Jan. Polis di Naryagani, cerca di Dacca na Oost Pakistan a tira riba bochincheronan, cu tabata horta y sende edificionan na candela. Segun comunicado di gobierno, a muri ne actuacion algun dje bochincheronan mientras otronan a hanja herida.

Orden a worde restablece y medidanan preventivo a wordutuma contra ripiticion, segun comunicado. Den e territorio relaciona, tambe den cierto barionan di Dacca nan a instala unprohibicion limita di salida. Nan ta supone cu e irregularidadnan tin relacion cu recien irregularidadnan entre Hindoe y Moslimnan na Calcutta.

*Cual di e candidatanan lo worde elihi pa reina di carnaval di Aruba 1964,*

*mi no sa...*

**DI UN COS MI TA SIGUR,**

**CU LO MI TA PRESENTE PA**

**DUNA ILUMINACION,**

**ANIMACION**

**Y ALEGRIA**

**NA**

**TUR!**

**REDDY**



**BASI RUTI-CLUB**

ta presenta diasabra 8 di februari 1964 di 9 'or pm - pa 3'or di marduga

**GRADIOSO BAILE DI DESFRAZ GALA**

cu presentacion di e famoso „The Magnificent Five,, y cu Melodia Carnavalesca pa e mehor steelband „SILVER STARS,,

Varios atraccion - premio pa e mehor grupo desfrazá, individual - y parcha y tambe varios doorprize.

Tarjeta ta di venta na NEME - BASI RUTI y diasabra na entrada.

## Campesinonan na Peru ta bringa cu polis

LIMA, 7 Febr. Oficialmente a worde anuncia cu na e chokenan entre campesinonan y polis den parti dur di Peru ayera, a muri 17 campesino. Dicsincu campesino y 17 polis a worde herida. Militarnan a worde encarga cu mantencion di orden den e territorio. Algun agitadornan a worde detene y transporta pa Lima.

Segun calculo 8000 campesino a participa ayera na ocupacion di terreno y algun fabrica particular di harina. Nan a resisti ora cu polis kier a corre cu nan. Gobierno di Peru te ainda ta actua cu dureza contra e campesinonan Indjan di tin hamber pa terreno, y cu ta podera di haciendanan particular. Algundia e campesinonan aki a ocupa manera anuncia un hacienda den e departamento Piura, probablemente pa hanja sa e intencionnan di gobierno. E minister nobo di gobernacion y polis, Dr. Juan

*E portret aki ta muestra e lugar caminda nan a propone pa traha e John Kennedy Memorial Library riba e terenonan di Harvard University. E idea pa colecta seis millon dollar pa e construccion a worde participa luna pasa door di presidente di Harvard University, Nathan M. Pusey.*

Languasco de Habich cu ta desendente dje territorio di Piura, inmediatamente a duna orden pa liba un batallon di 250 homber di polis pe haciendanan relaciona. E polisnan hoben fuerte a hanja un resistencia duru, pero alogra desocupa e cunucunan.

Entre tanto gobierno di presidente Fernando Belaunde ta sigui cu e preparacionnan di un programa di reforma agraria, cu mester pone un fin na cunucunan ocupa ilegalmente. Den circulo comercial y entre politico nan nan ta di acuerdo cu un plan pa reparti terranan agraria ta inevitable. Camara di delegadonan a serra e debate tocante proyecto di ley tocante reforma agraria.

Segun nan ta spera senado lo trata esaki medio februari.

### Conseho di seguridad lo reuni pa Cyprus

7 Febr. Merca e Inglatera parce tin intencion di propone pa e trupa internacional pa Chipre consisti tambe di unidadnan di paisnan cu no ta miembro di NAVO, di moda cu e lo bira mas o menos un potencia di Nacionnan Uni, asina ta worde informa di fuente fidedigno.

Merca parece te dispuesto di keda sin participa na e ehercito, esey pa cumpli cu e deseo nan di presidente Makarios di Chipre.

Den circulo diplomatico na New York ta worde calcula cu e conseho di seguridad di Nacionnan Uni lo worde yama en reunion tocante e asunto aki.

Merca e Inglatera te awor aki tabata contra di intermediacion di e conseho di seguridad pasobra nan no tabata kier pa Union Sovietica mete den e asunto.

E corant mericano "New York Herald Tribune" ta scribi tocante e negacion di presidente De Gaulle pa pone trupanan disponibel pa e ehercito cu mester mantene orden na Chipre, cu

## ARUBA CARIBBEAN HOTEL - CASINO

Sat. Feb. 8, 1964. Papiamento Room 9.30 to . . . ?

### GRAND MASQUERADE BALL

The Aruba Carnival Queen 1964 and her court will be introduced at 11.00 p.m., and Aruba Caribbean Carnival Queen will be elected.

Big floorshow at 10.00 p.m. starring:

#### ELLIS & GAYLE AND EMILIA CONDE.

Dancing to Jorge Fasola's Orchestra - Steelband.  
Prizes for best costumes - Masks - Balloons.

Admission \$ 2.00 per person  
including One "Carnival Cocktail" on the House.



De Gaulle, sin consulta prome cu su aliadonan a prefera di bisa redundamente no, si fuera e kier laga sa, cu e no kier tin nada di haci cu e otro paisnan grandi di NAVO, especial Inglatera y Merca.

Esaki ta serio, segun e corant, pasobra no ta un hecho amistoso, cu ta trece disputa tocante e hecho cu Francia ta miembro di NATO.

Segun e corant Neoyorkino lo ta un golpe pa defensa di Europa Occidental si Francia sali for di NATO.

### Deliberacion na Bangkok

BANGKOK, 7 Febr. - Na Bangkok a cuminsa deliberacionnan di paz entre ministernan di asuntunan exterior di Indonesia, Filipina y federacion Maleisia.

E minister indones di asuntunan exterior Soebandrio, a bisa despues di llegada na Bangkok, cu e kestion di reconocimento di Maleisia te kestion di mas importante. Indonesia lo haci tur lo-

### TERITORIO INSULAR DI ARUBA

Havemeester di Aruba ta participa cu en conexion cu e investigacion oceanografico cu ta tumando lugá, lo ser instalá durante luna di februari algun boei i mast pa Nord di California i pa West di Playa di Hadikurari. E mast i boei nan aki lo tin luz riba nan.


Piscadornan ta ser suplicá pa no nabegá of pisca cerca di e obhetonan aki.

ke e por pa laga e conferencia bira un exito. Pero e resultado dje deliberacion lo no por wordu pronostica.

Di fuente di Maleisia a ser participa, cu e federacion lo exigui garantianan pe conferencia, cu lo llega un fin ne agresion propaganda y actividad agresiva indones. Maleisia tambe lo pidi Indonesia tambe un aclaracion pa loke e pais aki ta comprende bow di politiek di confrontacion. Tambe Maleisia lo

exigui probablemente pa pone un fin ne bringamentu guerillero na Noord Borneo.

Nan ta spera cu Indonesia lo insisti pa retiro dje forzanan britanico den territorio dje federacion. E conferencia aki te di 8 intento den 9 luna pa hanja un solucion pe kestion di Maleisia. Manera ta conoci Indonesia ta mara hostil enfrente dje federacion di Maleisia, di cual Malakka, Singapore, Serawak y Noord Borneo ta forma parti.





**RIP KIRBY**

pa cortesia di:

**JAN BODEGOM & CO (ARUBA) N.V.**

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**



**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.



**PEPITA**

pa cortesia di

**OFICINA MARITIMA DE ARUBA**

TRANSPORTACION DI MERCANCIA Y MUDANZA TEL: 2664/1622.



**BUCHI ROBEZ**

Pa cortesia di:



**REFRESQUERIA INGRID**

tel: 1849

E mihor adres pa snacks, tur clase di dushi, softdrinks, ice-cream y revistas.



**DICK TRACY**



**HOROSCOPO PERSONAL**

**ARIES** 21 maart - 20 april

Mantene harmonia den bo relacionnan cu otroonan. Bo por logra hopi si bo presenta bo mes di un manera carinioso. Tene cuidao cu tur cos cu por perjudica bo salud.

**TAURUS** 21 april - 21 mei

Lo ta un error di bo si bo laga e esfera na bo cas worde danja pa hendenan fastioso. Sali un ratu pa hanja bo calmo bek y pensa bon.

**GEMINI** 22 mei - 21 juni

Tene cuidao cu desarollonan den atardi cu por tin un efecto malu riba bo finanzas. Evita compania di amiguan fastioso.

**CANCER** 22 juni - 22 juli

Bo mester tene cuidao cu asuntunan cu ta parce muchu bunita. Tene bo problemanan pa bo mes y paga tino den bo relacionnan cu otroonan.

**LEO** 23 juli - 23 augustus

Cuminsamentu di dia por trese desarollonan inespera cu ta bruhá bo programa un poco. Loke ta mas importante ta bai dilanti.

**VIRGO** 24 aug. - 23 sept.

Tene poco pasenshi cu hendenan emocional rond di bo. Asuntunan menos importante por danja hopi. No viaha of sali.

**LIBRA** 24 sept. - 23 okt.

Asuntunan di bo partner of bo famia tin preferencia. No spera atencion especial of fabornan di otroonan.

**SCORPIO** 24 okt. - 22 nov.

Contactonan cu hendenan den bo vecindario por causa tension. Mas den dia esey por mehora. Den amor por tin un sorpresa pa bo.

**SAGITTARIUS** 23 Nov. - 22 dec

Probablemente bo ta sinti bome; preocupa tocante bo salud of bo trabao cu bo mester caba. Tene cuidao cu gastonan cu otroonan t causa.

**CAPRICORNIUS** 23 dec. - 20 ja

No perde curashi si di repen nan pidi bo algu of ta sur problemanan inespera. Bo p vence hasta bo mes kler.

**AQUARIUS** 21 jan. - 19 feb.

Ta bira tempo pa paga mas atencion na bo finanzas. Traha u presupuesto di bo gastonan y a dapta bo mes na esey.

**PISCES** 20 feb. - 20 maart

Tene hopi cuidao cu fialementu d cos. Mas den dia bo opinion ta mehora. Ta un bon dia pa diverticion y placer.

**Asalto di banco na Venezuela**

CARACAS, 7 Febr. - Cincu ladron di banco na un asalto riba un banco na Valencia, capital di e estado venezolano Carabobo, a bai cu mas o menos cien mil bolivar.

E ladronnan, cual dos tabata bisti na polis, a tira un emplea-do italiano di e banco mata y a herida un muher italiano.